

„ *Monet memoriam, rationem docet, movet voluntatem.* In his
 „ enim tribus tota consistit anima. Memoria suggerit bona in
 „ cogitationibus sanctis, atq; ita ignaviam nostram torporemq;
 „ repellit: propterea quoties hujusmodi suggestionem boni
 „ senseris in corde tuo, da honorem Deo, & age reverentiam
 „ Spiritui S. cujus vox sonat in auribus tuis. Ipse namq; est, qui
 „ loquitur justitiam, Et in Evangelio habes, *Quia ille suggeret*
 „ *vobis omnia, quaecunque dixerō vobis.* Et adverte quid præmi-
 „ serit, *Ille docebit vos omnia.* Dixeram enim, quia *docet* rationem.
 „ Multi siquidem monentur, ut bene faciant, sed minimè sci-
 „ unt, quid agendum sit, nisi adsit denuò gratia Spiritus S. ut,
 „ quam inspirat, cogitationem *doceat* in opus proferre, ne va-
 „ cua in nobis sit gratia Dei, Sed quid? *Scienti bonum & non faci-*
 „ *enti, peccatum est illi gratis.* Propterea non solum moveri & do-
 „ ceri, verum etiam moveri & affici ad bonum necesse est, ab eò
 „ utiq; Spiritu, qui *adjuvat infirmitatem nostram,* & per quem in
 „ cordibus nostris *diffunditur charitas,* quæ est bona voluntas. Ita-
 „ que cum sic adveniens spiritus totam possederit animam sug-
 „ gerendo, instruendo, afficiendo, loquens semper in cogita-
 „ tionibus nostris, ut audiamus & nos, quid loquatur in nobis
 „ Dominus Deus, rationem illuminans, voluntatem inflam-
 „ mans, non tibi videtur, quia totam domum impleverint dis-
 „ pertitæ linguæ tanquam ignis? Nam in his tribus superius di-
 „ ctum est animam consistere totam. Sint autem *dispertitæ lin-*
 „ *guæ* propter multiplices cogitationes, sed earum multiplicitas
 „ & uno lumine veritatis & uno charitatis fervore sit *tanquam*
 „ *ignis:* aut certè domus impletio fini potiùs reservetur, quan-
 „ do mensuram bonam, & confertam, & coagitatam, & super-
 „ effluentem dabunt in sinus nostros. Sed quando hæc erunt?
 „ Profectò cum *completi fuerint dies Pentecostes.* Felices vos, qui
 „ jam intrastis quinquagesimam requiei & jubileum annum:
 „ fratres nostros loquor, quibus jam dixit Spiritus, *ut requiescant*
 „ *ale*